

Krismas leh Kumthar hlim taka hman a ni.

Krismas leh Kumthar kha kan khuaah pawh hlim taka hman a ni a, ruai vawi nga theh a ni. Krismas leh Kumthar hi Mizoram House Ballygunge-ah hman niin, 2013 december ni 24,25,29,31 ah te leh 2014 january ni 1 ah ruai kan theh.

Dt.24.12.13, Urlawknian hian tlai lamah zaikhawmna hun neih a ni a, zaikhawm banah ruai kan theh nghal a, hemi ni hian mi 200 bawr velin ruai kan theh. Dt.25.12.14 Christmas ni takah hian chhunah kan inkhawm a, inkhawm banah thingpui ruai kan theh a, chhungkaw hrang hrangte'n cake an rawn kengkhawm a ni. Tlai lamah zaikhawmin hun kan hmang a, zaikhawm banah ruai tui tak kan theh. Hemi ni hian ruaitheh kan thahnem hle a, mi 500 chuang daihin nau piang lawmna ruai hi kan theh a ni.

Dt.29.12.13 Krismas leh kumthar inkar sunday-ah hian Ballygunge paho tangrualin ruai thehna tur an thawhkhawm a, Krismas leh Kumthar inkar ruai kan theh leh.

Annual Magazine

Kolkata Mizo Students' Chuailo Annual Magazine chu zawrh chhuah mek zel a ni a, la lei lo kan awm chuan KMS OB-te hnenah leh Pi Rk-i Mizoram House Salt Lake hnen atangin a lei theih a ni.

Studentszingah la lei lo kan awm chuan kan magazine hi lei ngei turin kan inhriattir a, kan nu leh pate zingah pawh la lei lo kan awm a nih chuan min lei sak zel turin kan ngen a che u.

Kan hma maiah hian KMS Quiz Competition kan buatsaih dawn a, hemi hunah pawh hian Annual magazine chhung atang hian zawhna engemaw zat a rawn kal dawn bawk a nih kha.

Dt.31.12.13 Kumhlui thlahni ah hian tlai lamah kan zaikhawm a, zaikhawm banah kumhlui thlahna ruai kan kil ho. Zan dar 11 velah tanin zanlai inkhawm kan hmang a, mi 80 vel kan inkhawm a, inkhawm banah arsa kan leh coffee tui tak kan eiin kan in ho.

Dt.01.01.14 kumthar ni hian chhunah kan inkhawm a, inkhawm banah thingpui ruai kan theh a, tlai lamah kan zaikhawm. Zaikhawm kan thahnemin kan zai tui hle a, kham lo takin zaikhawm kan bang a, zaikhawm banah ruai tui tak kan theh ho leh.

Krismas leh kumthar hlim taka kan hman theihna'na hun leh tha hlu tak sengtute, tui taka rawngbawltu fatute leh thawhlawm thawhtute zawng zawng an fakawm hle.

CMCS

Cmcs thalai fellowship programme:-

Hruaitu: Vanlalpeki Ralte

Tantu: Samuel Songate

Bible chhiar rual hruaitu:

Mimi Lalrawngbawli

Programme: Sermon

Sawitu: Tv.Lalmalsawma

Vawiinah CMCS Annual

General Body Meeting neih a ni a, Kum 2014 atana CMCS O.B turte thlan chhuah an ni.

Kar leh dt.26.01.14 sunday-ah CMCS thalai hruaitu thlanna hun neih a ni bawk ang

Tualchhung...

Krismas leh kumthar hun hlimawm tak kan hmang zo a, tunah chuan huau huau boruak theihngihl a, hma lam thlirna hunah kan awm leh tawh a, mahni tih tur tul theuh tiin kan buai chho leh ta map map hlawm.

Chawlh hmanga mahni khaw lama hawte an lo chhuk thla leh tan mek a, biakin lam inkhawm pawh kan pung chho leh hret hret zel e. Lo la chhuk ve chiah lo te pawh lo chhuk mai tumin an inpuahchah mek hlawm niin kan hria a, hlim taka kan inhmuikhawm leh thuai kan beisei.

Tunah hian kan member zingah exam mai hmabaka inpuahchah mek engemawzat an awm a, tha taka an zirlaite an tih a, hlawhtlinna an chan ngei kan duhsak.

Hetih lai hian mahni zirlai zir zoa haw mai tawh tur engemawzat an awm bawk a, a then pheichu Kolkata khawtlang tana mi tangkai tak tak leh kan zirlai hruaitu ni mekte pawh an ni hlawm. Kan Gen.Secretary Lalmalsawma pawh a zirlaite zir zoin Mizoram lama haw chho hlen tawh turin a inpuahchah vel mek niin kan lo hria a, kan ui dawnin Kolkata khawtlang tana a hnathawhte kan hre reng ang.

Tunlai hi kan khaw boruak nawm lai tak a ni a, boruak a vawt nuam thin hle. Hetih lai hian sik leh sa awm dan hi hritlang khawsik kai awlsam hun lai tak a ni a, mitin i fimkhur ang u.

Ruahmanna tha chu hlawhtlinna in a zui thin.

CHUAILO

Estd. May, 2004

Editor : *ahooma*
 Joint Editors : *VT.Lawmsanga*
 : *Lalruatkima*
 : *Vanlalpeki Ralte*
 Patron : *Alex Rosangluaia*

Zirna Huang...

KMS QUIZ COMPETITION 2014

Kolkata Mizo Students' Executive Committee in a lo rel tawh angin KMS Quiz neih tur chungchanga inpuahchahna chu kal pui chhoh mek zel a ni a. He quiz neih tura hriattur pawimawh chu a hnuai mite hi a ni;

KMS quiz neih turah hian KMS member zinga a tel duh apiang tan tel theih a ni dawn a. KMS Committee chu zau taka inhawngin, member zinga thian ho tel duh te tan pawha tel ho theihnan turin Area ang zawnga inthen hrang loin mahni remchan dana team siam mai theih a ni.

Chuailo Annual Magazine 2013 atangin article panga: 1) **FINNA**-Laima Chozah 2) **YOU ARE 64 YEARS**-Alex Rosangluaia 3) **NUN HI**-Zuliasa Hlychho 4) **KA FARNU DUHTAK**- Zr-a 5) **THAWM**-Ahooma tihte hi Quiz-ah a tel dawn a; Mizo Tawng Upa, Mizo Thawnthu leh Mizo tawng ziak dan dik atangin zawhna a lo kal dawn baw a ni.

Heng bakah hian General Knowledge, Mizo, History, Political Science, Economics, Accounting, Direct Tax atangtein zawhna a lo kal dawn baw a, he'ng subject hrang hrang atanga zawhna lo chhuah dan tur kimchang chu Chuailo chhuak hmasa lamah khan tih chhuah tawh a ni a, facebook Kolkata Mizo Students' group-ah tar chhuah a ni baw ang. Tin, he'ng kan tarlan bakah hian General Knowledge atang khan zawhna a lo kal dawn baw a ni. KMS Committee chuan KMS Quiz neih turah hian lawmman pawh a siam tha hle dawn a. Lawmman awmdan tur chu hetiang hi a ni ang:

1st Prize: Rs. 7000 + Certificate
 2nd Prize: Rs. 3500 + Certificate
 3rd Prize: Rs. 2500 + Certificate
 Finalist: Rs. 2000 + Certificate
 2nd Round: Rs. 1000 (each)

A tel zawng zawng tan Participation Certificate pek vek an ni baw ang.

He Quiz hi KMS member zawng zawng tan a ni tih hriain, a hlawhtlinna chu Member tin kutah a awm a; member te tel theuh tum ila. KMS in a duhtusam leh a siamchhan ang takin member te'n tha takin i inpuahchah theuh ang u.



Enkawltu Kamliam

Dam chhan

Kumthar kan lo chuangkai leh ta reng mai. Kum 2014 hmu ve hman lo a mual liam ta hi engemawzat an awm a, keini hi engvanga la chambang bik nge kan nih le?

Pathian chuan he leia thil awm reng reng hi chhan nei vekin a siam tih kan bible-ah kan hmu a, keini ngei pawh hi min siam chhan leh he leia min awmtir chhan hi a nei ve ngei ang. Keini aia fel leh Pathian thu awih tha thate an thi a, wawiin hmu ve thei lo hian an lo liam tawh a ni. Chutih laiin keini hi eng vanga la dam bik nge kan nih, tih hi kan inzawt ngai em le?

He leia ti tura min tih, min siam chhan hi kan la tizo ve lo a ni ngei ang. Chuvangin he leiah hian tih tur neiin kan la awm a, chhan neiin kan la dam a ni. Kumthar kan hman chhoh turah pawh hian kan hmabak tih tur hmachhawp kan neih ang angte Siamtu hre rengin ti ila, kan rilru a hlimin lungngaihna tam tak kan pumpelph phah thei ngei ang.

Tunlaiin thalai naupang te tete zingah dam chhan nei lo a inhriat avanga rilru ngui, mahni nunna hial lak duh tam tak an awmin tam tak phei chuan hma takin he khawvel hi an chhuahsan phah thin a nih hi. He khawvelah hian keimah ang chiah chiah hi pakhat mah an awm lo a, a bik liau liaua siam, pawimawhna leh tangkaina nei, chhan neia siam, thil pawimawh ti tura he khawvela dah hi kan ni tih inhriat thar leh thin a tha khawp mai.

Kum a thar a, kumin chhunga i tihtur puala tla hi tuma'n an thsak dawn lo che, he khawvel leh Pathian tana i hna chanpual ti tur hian nangmah kha a bik taka ruat i ni. Thenkhat, nihna leh chanvo lian tak tak nei an awm laiin mihringte chanvo ruat chawp ni lo chanvo pawimawh leh keimahni chauhin kan tih theih mawhphurhna hi keimahni ah Siamtu hian a dahsa vek a, chu kan mawhphurhna theuh chu hlen chhuak vek thei turin theih tawp i chhuah chho leh theuh ang u.

Kum thar lo her chhuak hian i tan hun tha rawn herchhuah pui ngei rawh se. Chuailo Ed.Board-te'n Kumthar chibai kan buk a che u.

article

HMANGAIHNA HI

- Val Puia St

An sawi thin HMANGAIHNA hi, a awmzia sawi chhuak thiam hringfa leng awm tak maw...? Athenin Hmangaihna chu boruak mai a ni e an ti bawk a, a thente chuan Hmangaihna chu indona a lawm an lo ti ve mek thung. Ni e, a dik vek reng a ni, a thente tan chuan Hmangaihna chu boruakah hian a thamral a, a partlan tur awm loin a zuihral mai thin bawk a, a thenah chuan inngirrhona-te, insual bur burna te, inhauhate a thlensak lawi bawk a, chutih lai mek chuan a thente chu an hlim em em a, midangte Hmangaihna avanga rilru na ngawih ngawih te chu an dawn phak reng reng lo.

Mihring hi kan Hmangaihna tawn dan hi a in ang vek kher lo a ni tiraw...? (Eg. Liana'n Hmangaihna a tawn dan chu Mawia tan chuan a letling chiah a ni thung a, Liana'n ama tawn dan bik a sawi chiam chiam chuan Mawia tan chuan thu bengchheng leh thu vuvuk, saphung kui pawh tluk lo mai a ni dawn a ni). A dik a ni, Hmangaihna hi chuan a huap zau em bawk a lawm mawle tiraw...? Thenkhat-te lah hian mizia chu sawi loh sakmel tak ngial pawh la hmuh ngailohte lakah an rilru an han pe tlat a, an han in Hmangaih tlatte hi a mak a ni.

Hmangaihna ni loin Hmangaihna kawng a pen khatna a ni zawk a, chu chu Hmangaihna emaw an ti thin, mahse a ni lo a ni. A thente phe chuan lan dan leh mizia an lo thup a, an han inhmu a, an han inkawm a, an lo suangtuah ang a lo ni lo a, chawp leh chilhin a hma zawng zawng a an rilru chu a inthlak thleng leh nghal vek thin a ni. Chu chu alawm, Hmangaihna hi chu mi pahnihte inpawh tak leh thinlung zawng zawng a an induh tawna atang lo chuan a piang mang mang lo a ni.

Tin inhmu fo a, inkawm dun melh melh te, titi melh melh te hi a ngai thin, thinlung inpawh loin a inhmangaih tak tak theih loh a ni. Ahmel i la hmuh ngaih loh, mahse telephone hmanga i biak fo leh Social Network lam atanga i lo thinlai ruk em em pawh kha i thinlung zawng zawng pe suh ang che, nangmah a biak ang tho che khan midang pawh a be ngei ngei dawn tih Chiang takin hria ang che. Mi 3/4 vel lakah a rinawm em em ang tih ring la, Di intawm i duh a nih loh chuan bansan ngam ang che. Khual khua a hmangaih neih ai chuan i bul hnai a mi laka hmangaihna i neih chuan nangma tan vek a ni a, thlamuang takin i awm thei zawk dawn a ni... (Mahse i thu thu a ni e, tumah a intih luih theih loh a ni)

Sawitu pakhat chuan hmangaihna chu inthianthatna hi a ni a lo ti ve bawk a, engpawh chu lo nise hmangaihna ah chuan inpektawn a ngai a, chuta tang chuan Hmangaihna diktak chu mi pahnih inkarah a lo piang chhuak thin a ni. Chutiang ni loa pakhat zawk chauhin a pek a, pakhatin a pek ve si loh chuan chu hmangaihna lo piang chhuak tur chu hlamzuihin a thi thin a ni. Chuvangin hmangaihna chuan hmangaihna vek a phut let a, mahse a hmuh si loh chuan chu hmangaihna chuan na a ti a, a baihvai em em a, mal takin hun a chhiar thin, engmah hian hlimna an pe ngai tawh lo a, kawng a bo a, a tih loh tawp tur leh rilru a ngaihtuah ngai loh ram thleng in a tih pah thei a ni. Hei hi a ni, hmangaihna hian hlimna a pek rual chiah hian natna pawh a pechhuak ve tho a ni.

Nimahsela inhmangaih tawna ah chuan hlimna a awm thin. Chu tak chu a ni hmangaihna chu inthianthatna an lo tih tak chu. An inngaihsak em em a, harsatna karah an in vuan tlat a, harsatna an insutkianpui a, lawmna ah an in lawmpui a, tahna ruamah leh bawrhwawmna pawh lo thleng mahse an inphatsan ngai lo a, chhel takin an tuar dun mai thin a ni. Ni e, hmangaihna diktak hi chu maw a nuam chinah hian a langchhuak ngai lo a, hrehawm chinah chiah hian hmangaihna diktak chu a lo langchhuak thin a ni.

Mithiamte chuan mipa aiin hmeichhia hian hmangaihna hi an harsat a, mahse an hmangaih tawh vek vek chuan an ngeth bik thin a ni an ti. (Diktak maw..?). Khawvela mi vannei an sawi thin chu maw hmangaih takte nupui/pasal a inneite hi a ni an ti thin, mahse mi zawng zawngah a thleng ngai si lo, chuti a nih a hnu eng vang kher kher hian nge maw khuanu pawh hian hetiang tur a a lo duan reng reng le.?

Mipa in Hmangaih a chan leh hmeichhia in a channa ah hian mipa in an tuarna zawk thin a ni, tin hmeichhia chuan an hmangaih ber ni lo pawh pasal atana an neih a, fate hial an neihpui chuan an hmangaih chawp nghal mai thei a, mahsela mipaah chuan chutiang chu a thleng zen zen lo. Hmangaih tur chuan hun rei a mamawh thin. Eng ang pawh chu lo nise, he hmangaihna hi chuan hringnun hi hlimna leh lungngaihna in a tuam vel a nih ber hi maw, tiraw...?

Hmangaihna chu Hmangaihna vek a chhanlet a nih chuan hringnun hian hlimna tam tak a dawng mawlh mawlh a, midangte chu sirah an hnawl a, an inhmangaihna chuan par a chhuang a, a tawpah chuan runhmun lengdun turin Pathian leh kohhrante hmaah 'Tiam tlat e' an lo ti thin a ni. Mahse maw, chhanlet loh Hmangaihna hi a awm ve tho a, chu chu a na thin a ni. Mi a zawng a mi vanduai berah an inngai a, an lungngaihna thlenna tur an neilo a, an mittui a lo tlak changin hnemtu tawngkam thlum an dawng ve ngailo a, hun harsa ah pawh an mahni chauhin chu hun thim chu an hmachhawna, puitu an neive lo a sin. Heihi a ni, an sawi thin. 'PHULOH LENG HELIN KACHAN HMANGAIHNA VANDUAI' ti a an sawi thin chu.....

Awle, a tawp ber atan chuan heti hian tawite in Hmangaihna chu ka'n sawi te'ng, Hmangaihna tak tak hi chu inpek tawn a ngai a ni. Chuvangin 'THINLUNG ZAWNG ZAWNG A INZAWMNA HI HMANGAIHNA CHU ANI'.....

KOLKATA MIZO SPORTS 2014

A HUN : 31 JAN - 1 FEB 2014.

A HMUN : IB GROUND, SALT LAKE- NEAR
MIZORAM HOUSE.

Group 4 ah in then tur a ni ang , chungte chu –

1) Taitesena Gr (Red) : Leader: Nl. Rozamliani, Asst Leader : Pu Talo Rosanga, Secretary : Tv Lallawmzuala, Asst Secy : Nl. Lalthanpuui.

2) Chawngbawla Gr (Blue) : Leader: Pi Rozuali, Asst Leader : Maj.thangkhuma, Secretary : Tv Rodinpuia, Asst Secy : Nl. Oshin Lalnunmawii

3) Neuva Gr (Yellow) : Leader: Pi Rebecca Zarmawii, Asst Leader : Pu Hmingthanzauva, Secretary : Tv Samuel Lalremruata, Asst Secy : Nl. Christina V. Lalmuanpuui.

4) Vanapa Gr (Green) : Leader: Pi Pricilla Bose, Asst Leader : Pu Benjamina, Secretary : Tv R. Lahlmipua, Asst Secy : Nl. Lahlupuii.

Sports Items tur tlangpuite :

Outdoor Games: Football (Men/Women), CMWA President Team Vs Addl Resident Commissioner Team (Veteran), Volleyball (M/W), Throw ball (W), Tug of War (M/W), Relay Race (M/W/C), 100m Race (M/W), 50 m Race (Children), 3 legged Race (C), Spoon Race (C), Musical Chair (W/C), Sack Race (M/W/C), Dart Throw (M/W/C), Insuknawr(M), Inkawibah (W-Kawi kan neih theih chuan).

Indoor Games : Carrom Board (M/W/Mixed) – only doubles, Checker (M/W), Draft Board (M/W), Arm Wrestling etc. a ni ang a, hemi atan hian Mizoram House, Salt lake beisei a ni.

Basketball (M) – Hei hi optional a ni a, a khel turte'n an phur dan a zirin ni dang remchangah ground hranah neih tur a ni ang.

Hemi hunah hian Group T-Shirt siam a ni dawn a, mahni group colour theuh T-Shirt kan nei dawn a ni. T-Shirt hi mahni group hruaitute hnen atangin tlawmtein lei theih a ni ang.

Group list tih chhuah chhinah hian i hming a lang ve lo a nih chuan incharge Tv.Alex Rosangluaia, mb-9831106143 hnenah inhriattir tur a ni.

Tun tum sport ah hian Mizo tawh phawt chu tel theih vek a ni dawn a, Kolkata-a Mizo awm zawng zawng chu hemi huna tel vek turin kan insawm a, hun remchang lo insiam theuh turin kan inngenin kan inhriattir a ni e.

Kokata-a hruaitute hi in nep e mai
- **Jona zaimi**

Hei hi maw damlai thlanthim chu
- **Temami@treasurer**

Cook thar kan nei a
- **Lawma @Asst G.S.**

Kei chu tlangval full body virgin ngat hi ka ngaisang.

- **Oshin, CMCS thalai**

E' nge ka zir chhunzawm leh ang aw...
- **Pc Puia, CMCS Thalai**

A lerh hi chu ka lerh mawle
- **Muantea@SA Boys**

Train chuan chung duh aiin a reilo.
chuanpuite'n an zir bawk a.

- **Samu@Sound engineer**

Vur a tawlh chu duh aiin tawlh chak a awl.Kan tawlh pur pur mai lawm

- **Pipi-i @ Mzrm House**

The Best Christmas ever.

- **Apuii @ Xavier**

CMWA sports chu aw... ka phusa ngawt ang.

- **Nu Maneihi@Mzrm House**

.# Yes, group khatah kan awm leh ta, renew na chance

- **Serena**

Damloh a, Colombia hospital-a in ad mit ka chak.

- **Liansanga Ralte, Duff**

Kan group chu kan chak emaw chak lo emaw kan sen tha hle tur a ni. Group mem ber-te'n kuhva tam tawk pai vek tur.

- **Taitesena Group Leader**

Chawngbawla a bawl loh pawhin kan group chu kan bawl dawn....

- **Chawngbawla group leader**

Football leh a bak zawngah champion vek kan tum dawn.

- **Neuva group Leader**

Neuva Group hian kan tih tum ang an lo tum ve ve avangin a bik takin kan bitum ang.

- **Vanapa Group Leader**

CMCS Programme engemaw awm leh tawh se aw...- **OP-i Ralte, CMCS Thalai**